

Wito kwa uteuzi kutambua Wanawake wa kipekee wa Kiafrika

Kuendeleza ajenda ya Wanawake, Amani na Usalama barani Afrika

Makala katika jamii "Anasimama kwa ajili ya Amani" e-kitabu

Julai 2023

Usuli

Wanawake wana jukumu kubwa la kuendeleza amani na usalama barani Afrika

Kamisheni ya Umoja wa Afrika (AUC) na Ofisi ya Umoja wa Mataifa huko Umoja wa Afrika (UNOAU) kwa pamoja waliungana ili kuweka katika maandishi na kubadilishana uzoefu wa wanawake wa Afrika na mitandao ya wanawake ambao walitoka mchango mkubwa katika kuendeleza amani na usalama barani Afrika. Mwezi Februari mwaka 2020, Ofisi ya Umoja wa Mataifa huko Umoja wa Afrika na Kamisheni ya Umoja wa Afrika kwa pamoja walichapisha kitabu cha kumbukizi kiitwacho 'She Stands for Peace; kwa ajili ya kukumbuka miaka 20 ya UNSCR 1325. Toleo la pili la "She stands for Peace e-book lilichapishwa mwezi Septemba 2022.

Machapisho yote mawili yaliweka msisitizo katika kupaza sauti za wanawake kuhusu majukumu yao na uzoefu katika jitihada za kudumisha amani.

Kamisheni ya Umoja wa Afrika (AUC) Nna Ofisi ya Umoja wa Mataifa huko Umoja wa Afrika wangependa kuchapisha toleo la 3 la kitabu "She stands for Peace" kwa lengo la kuendelea kuweka msisitizo kwenye kupaza sauti za wanawake na mitandao ya wanawake waliotoa mchango mkubwa katika kuendeleza amani na usalama Afrika.

Miongoni mwa malengo ya kitabu ni haya yafuatayo;

- Kutambua michango ya wanawake na taasisi za wanawake katika jitihada za kudumisha Amani katika bara zima,
- Kuandika simulizi za uzoefu, na ikiwezekana, kufafanua mapambano ya wanawake katika kupigania amani ya kudumu; kwenye ngazi mbalimbali katika mchakato wa kudumisha amani,
- Kubadilishana mikakati ya baadaye kwa ajili ya utekelezaji wa UNSCR 1325, baada ya mwaka 2020 kutokana na uzoefu katika kudumisha amani ili kutoa taarifa juu ya kazi inayoendelea katika utekelezaji wa ajenda ya WPS barani Afrika. Kwa kufanya hivyo,
- Kuhamasisha wadau ili kuanzisha mazingira rafiki na kuunga mkono ushiriki wa wanawake katika jitihada za kudumisha amani, kulingana na UNSCR 1325

Wanaostahili kuteuliwa

- Watu binafsi (wanawake) au taasisi za wanawake wanaweza kuteuliwa
- Uteuzi binafsi pia unakaribishwa
- Walioteuliwa lazima wawe ni raia wanawake kutoka mataifa wanachama wa Umoja wa Afrika.
- Hakuna kigezo cha umri, kitabu kitazungumzia mafanikio ya viongozi vijana na viongozi wenye ujuzi na uzoefu kutoka vizazi vyote.

Vigezo vya Uteuzi

Waliopendekezwa ambao wametoa michango yenye athari chanya katika nyanja zifuatazo wanayo nafasi ya kuteuliwa.

- Alishiriki kikamilifu katika michakato ya Amani na/au katika kuchukuwa maamuzi yanayohusiana na Amani na usalama au kuwawezesha wanawake wengine kushiriki katika michakato ya aina hiyo;
- Alichangia sana katika kuzuia/kuepusha ukatili wa kijinsia na /au kuendeleza uelewa wa kijinsia wakati wa kuzuia migogoro na tahadhali ya mapema;
- Aliboresha kwa njia sahihi usalama, afya ya mwili na akili, uasalama wa kiuchumi , na ustawi wa ujumla wa wanawake na wasichana na/au haki za wanawake na wasichana na kusimamia ulinzi wao wa kisheria.
- Alikuwa na jukumu muhimu kuhusiana na jitihadaa za faraja na unafuu na kuingiza mitazamo ya kijinsia ndani ya jitihada za namna hiyo;
- Aliwashirikisha wengine ili kutetea kikamilifu hoja inayohusiana na ajenda ya wanawake, amani na usalama;
- Alikuwa na jukumu la kutetea mabadiliko, kwa kuonesha bidii, kujitolea na kuwa na shauku kwa ajili ya hoja yake na kuongoza kwa kuzingatia mfano;
- Alikuwa na jukumu lingine la kuendeleza Amani na usalama kwenye ngazi ya kijamii, kitaifa, kikanda na/au kibara.

Tarehe ya mwisho ya Uteuzi

Uteuzi utakuwa wazi kuanzia jumatatu, **Alhamisi, 31 Agosti 2023 (23:59 GMT)**. Kutokana na idadi kubwa ya waombaji ambao haikutegemewa, watakaofanikiwa kuchaguliwa ndio watakaohojiwa baada ya mchakato wa mchujo kukamilika.

Kuwasilisha uteuzi

- Kabla ya kuwasilisha uteuzi, tafadhali soma kwa makini vigezo vya uteuzi.

- Uteuzi unatakiwa kutumwa kwa kupakuwa fomu, kuijaza vizuri na kuituma kwa njia ya mtanadao.
- Uteuzi sharti uwe sahihi, wa kueleweka na uliokamilika ili kuwezesha kufanya tathmini ya uteuzi huo.
- Unahimizwa Uteuzi wa wanawake wa Afrika na taasisi za wanawake wanaofanya kazi kwa bidii kwenye ngazi ya vijiji.
- Unahimizwa pia uteuzi wa wanawake wa Afrika na taasisi za wanawake wanaofanya kazi vijijini, kwa kuwahudumia wakimbizi na watu waliokimbia makazi yao, bila kusahau wanawake walemavu
- Teuzi zitaangaliwa na kupitishwa kwa kuzingatia usawa wa kijeografia ili kuhakikisha uwakilishi kwa haki sawa ya kanda zote za Afrika.
- Teuzi binafsi zinaruhusiwa
- Teuzi zinaweza kuwasilishwa kwa lugha ya Kiingereza, Kiarabu, Kireno na Kifaransa.
- Wateule wanapaswa kutuma picha ya hivi karibuni ambayo itawekwa katika kiambatisho, taarifa binafsi vikwemo baruapepe na namba ya simu ambavyo lazima viwepo katika kuwasilisha uteuzi.

Ili kutuma maombi, pakua fomu na uijaze. Fomu zote zitatumwa kupitia: **UNOAU** kitengo cha Jinsia, baruapepe: unoau-genderunit@un.org

Vigezo vya kukataliwa

Teuzi zinaweza kukataliwa kutokana na yafuatayo:

- Teuzi amabazo hazilengi michango maalum bali zimejikita kwa mafanikio ya maisha;
- Maombi ambayo hayajamilika
- Kama itabainika kwamba wateule ni wafanyakazi wa vyombo vya Umoja wa Afrika, au Jumua za Kiuchumi za Kikanda, Mfumo wa Umoja wa Mataifa;
- Pale amabapo maombi yaliyowasilishwa hayaelezi bayana mafanikio na athari.

